

საქართველოს გარემოს დაცვის და სოფლის მეურნეობის მინისტრს ბატონო ოთარ შამუგას

ბატონო ოთარ,

მოგასხენებთ, რომ შპს „ნახიდური ჰესი“ (400207049) ბოლნისის მუნიციპალიტეტის ტერიტორიაზე, სოფ. ნახიდურის მიმდებარედ მდ. ხრამზე გეგმავს 7.2 მგვტ დადგმული სიმძლავრის „ნახიდური ჰესი“ ჰიდროელექტროსადგურის მშენებლობას და ექსპლუატაციას. გამომუშავებული ელექტრო ენერჯის სახელმწიფო ელექტროსისტემაში ჩართვის მიზნით კომპანიას სამინისტროში წარმოდგენილი ჰქონდა სკრინინგის განაცხადი. სამინისტროს 2020 წლის 25 აგვისტოს N2-759 სკრინინგის გადაწყვეტილებით, საქმიანობა არ დაექვემდებარა გზშ-ის პროცედურას. ამ ეტაპზე კომპანია გეგმავს, აღნიშნულ პროექტში ცვლილების შეტანას, კერძოდ, საპროექტო საკაბელო/საჰაერო ეგზ-ის ნაცვლად, მოეწყობა მთლიანად საჰაერო ეგზ-ის ტრასა. ამასთან, შემცირდება ტრასის საერთო სიგრძე - 3.31კმ. -დან 2.65 კმ-მდე.

საქართველოს კანონის „გარემოსდაცვითი შეფასების კოდექსის“ მე-5 მუხლის მე-12 პუნქტის თანახმად „გარემოსდაცვითი გადაწყვეტილებით გათვალისწინებული საქმიანობის საწარმოო ტექნოლოგიის განსხვავებული ტექნოლოგიით შეცვლა ან/და ექსპლუატაციის პირობების შეცვლა, მათ შორის, წარმადობის გაზრდა, ამ კოდექსით განსაზღვრული სკრინინგის პროცედურისადმი დაქვემდებარებულ საქმიანობად მიიჩნევა“.

ყოველივე ზემოთაღნიშნულიდან გამომდინარე, წარმოგიდგენთ საპროექტო ცვლილებების სკრინინგის ანგარიშს და გთხოვთ თქვენს გადაწყვეტილებას.

წერილს თან ერთვის:

- ბოლნისის მუნიციპალიტეტის ტერიტორიაზე 35 კვ-იანი ძაბვის ელექტროგადამცემი ხაზის მშენებლობის და ექსპლუატაციის პროექტის სკრინინგის ანგარიში - ელ. ვერსია;
- პირველადი და საპროექტო ცვლილებების Shp ფაილები.

პატივისცემით,

თენგიზ ალავიძე  
შპს „ნახიდური ჰესი“-ის დირექტორი



22.03.2022

